

## ՀՀ ԳԱԱ-ում քննարկվեց գիտական աստիճանաշնորհման նոր կանոնակարգի նախագիծը



2022 թ. դեկտեմբերի 23-ին ՀՀ գիտությունների ազգային ակադեմիայում գիտական հանրությունը ՀՀ Բարձրագույն որակավորման կոմիտեի նախագահ Կարեն Քեռյանի հետ քննարկեց «Հայաստանի Հանրապետությունում գիտական աստիճանաշնորհման կանոնակարգը հաստատելու և Հայաստանի Հանրապետության կառավարության՝ 1997 թվականի օգոստոսի 8-ի N 327 որոշումն ուժը կորցրած ճանաչելու մասին» ՀՀ կառավարության որոշման նախագիծը:

«Գործող կարգում կան բազմաթիվ դրույթներ, որոնք իրար հետ համաձայնեցված չեն: Նոր կանոնակարգով վերացվում են այդ անհամաչափությունները»,- նշեց Կարեն Քեռյանը:

Փաստաթղթով նախատեսվում է կա-

տարել փոփոխություններ գիտական աստիճանաշնորհման կարգում չորս ուղղություններով.

○ Թեկնածուական պաշտպանելուց մինչև մասնագիտական խորհրդի անդամ լինելու համար 2027 թվականից սկսած անհրաժեշտ կլինի ունենալ միջազգային գիտատեղեկատվական շտեմարաններում ընդգրկված պարբերականներում տպագրություններ: Նման տպագրությունները կդիտվեն համարժեք տեղական պարբերականներում տպագրված 2-3 հոդվածի:

○ Արտերկրի մասնագետը հնարավորություն կունենա համադրելով ասպիրանտուրան ու հայցորդներին, բացի այդ՝ ընդգրկվելու մասնագիտական խորհուրդներում, ինչպես նաև առցանց

մասնակցելու պաշտպանության գործընթացին՝ որպես ընդդիմախոս:

○ Կպահանջվի ներկայացնել կուտակած անհրաժեշտ կրեդիտների մասին տեղեկանք, նշել մասնագիտական խորհրդի միստի քվորումն ապահովելու համար նվազագույն անհրաժեշտ մասնակիցների մասնաբաժինը: Փորձարարական մասնագիտությունների դեպքում առանց համահեղինակների հողված ունենալու պահանջը փոխարինվել է առաջին հեղինակով հողված ունենալուն:

○ Առաջատար կազմակերպության փոխարինում ընդդիմախոսով: Աստիճանաշնորհման գործընթացի տարբեր օղակներում մասնագետներին ներգրավելիս այլևս չեշտը չի դրվելու գիտությունների դոկտորի աստիճան ունենալու վրա, այլ կարևորվելու են բարձր գիտաչափական տվյալներ ունենալը և ակտիվ գիտնական լինելը:

Քննարկման ընթացքում բարձրացվեց մասնագիտական խորհուրդների անդամների և գիտական ղեկավարների երիտասարդացման հարցը: «Սենք նոր մեխանիզմներ պետք է ներդնենք և հնարավորինս փորձենք երիտասարդացնել գիտական ղեկավարների տարիքը»,- ասաց

Կարեն Քեռյանը:

Անդրադարձ եղավ միջազգային գիտատեղեկատվական շտեմարաններում ընդգրկված պարբերականներում տպագրություններ ունենալու պահանջին:

ՀՀ ԳԱԱ ակադեմիկոս-քարտուղար Արթուր Իշխանյանը նշեց. «Հումանիտար հասարակագիտական ոլորտներում անգլալեզու հրապարակումների թիվն էապես պետք է ավելացնել աշխարհում մեր տեսանկյունից բարձրացման համար: Սա ազգային անվտանգության խնդիր է»:

ՀՀ ԳԱԱ նախագահի խորհրդական Ռադիկ Մարտիրոսյանը ներկայացրեց իր դիտարկումները նախագծի վերաբերյալ. «Նախագիծը ենթադրում է որակի բարձրացում, բայց որոշ դրույթներ իջեցնում են որակը: Հատկապես առաջատար կազմակերպության փոխարինումը՝ ընդդիմախոսով: Իմ կարծիքով՝ պետք է վերանայել այդ դրույթը: Նաև պետք է վերանայել գիտությունների դոկտորի աստիճանի հետ կապված դրույթը: Պետք է այդ աստիճանը պահպանել. գիտությունների դոկտորը պետք է թեկնածուից բարձր լինի»:

*ՀՀ ԳԱԱ գիտության հանրայնացման և հասարակայնության հետ կապերի բաժին*